

水經注箋卷第十八

漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

渭水中

又東逕武功縣北

渭水於縣斜水自南注之水出縣西南衙嶺山北歷斜谷逕五丈原東諸葛亮與步騭書曰僕前軍在五丈原原在武功西十里餘水出武功縣故亦謂之武功水也是以諸葛亮表云臣遣虎步監孟

水經注箋

卷十八

一

陳 三百五

琰據武功水東司馬懿因水長攻琰營臣作竹橋越水射之橋成馳去其水北流注于渭地理志曰斜水出衙嶺北至郿注渭水又東逕馬冢北諸葛亮與步騭書曰馬冢在武功東十餘里有高勢攻之不便是以留耳渭水又逕武功縣故城北王莽之新光也地理志曰縣有太白山古文以為終南杜預以為中南也亦曰太白山在武功縣南去長安二百里不知其高幾何俗云武功太白去天三百山下軍行不得鼓角鼓角則疾風雨至杜彥達曰太白山南連武功山於諸山最為秀傑冬夏積

雪望之皓然。山上有谷春祠。春櫟陽人成帝時病

死而尸不寒。後忽出櫟南門及光門上而入太白

山民為立祠於山嶺。春秋來祠中山。宋本宿馬山

下有太白祠。民所祀也。劉曜之世是山崩。長安人

劉終於崩。此劉終以下文理不屬。蓋脫簡也。按十

六國春秋云。劉曜光初四年五月終。南山崩。長安人劉終於崩。所得白王方一尺。有文字。字曰。皇。亾。皇。亾。敗。趙。昌。井。水。竭。構。五。梁。罅。西。小。衰。困。

器喪鳴乎。嗚乎。赤牛奮。靴其盡乎。群臣咸賀。以為石勒滅之徵也。曜大悅。齋七日。而後受之於太廟。

大赦境內。以終為奉瑞大夫。忘也。惠公孝公立。是穆公之後。繼

世之君矣。子孫無由起宮於祖宗之墳陵矣。以是

推之。知二證之非實也。孫云。自忘也。至此四十一字。文不相續。疑有脫誤。

水經注箋 卷十八 四十一

而左會左陽水。世名之西水。北出左陽谿。南流逕

岐州城西。魏置岐州刺史治。左陽水又南流注于

雍水。雍水又與東水合。俗名也。北出河。謝云。宋本

北水。桃谷南流。右會南源。世謂之返眼泉。亂流南

逕岐州城東。而南合雍水。州居二水之中。南則兩

川之交會也。世亦名之為涿空水。東流鄧公泉。注

之水出鄧艾祠北。故名曰鄧公泉。數源俱發於雍

縣城南。縣故秦德公所居也。晉書地道記以為西

虢地也。漢書地理志以為西虢縣。太康記曰。虢叔

之國矣。有虢宮。平王東遷。叔自此之上陽。為南虢。

矣雍有五時祠以上祠祀五帝昔秦文公田于沂

渭之間沂渭當作沂渭史記秦之先非子為周孝王主馬于沂渭之間注云沂渭二水之間

在隴州夢黃蛇自天屬地其口止於郿衍以為上

帝之神於是作郿時祠白帝秦宣公作密時於陳

倉北坂祀青帝焉靈公又於吳陽作上時祀炎帝

焉獻公作畦時祠宋本作祀赤帝焉漢高帝問曰天有

五帝今何四也博士莫知其故帝曰我知之矣待

我而五遂立北時祀黑帝焉封禪書秦文公夢黃蛇止於郿衍又獲陳

寶於陳倉北坂城作郿時秦宣公作密時於渭南祭青帝秦靈公作吳陽上時祭黃帝作下時祭炎

帝秦獻公時樸陽雨金自以為得金瑞故作畦時而祀白帝漢高祖立黑帝祠命曰北時應劭

水經注箋

卷十八

曰四面積高曰雍闕駟曰宜為神明之隩故立羣

祠焉又有鳳臺鳳女祠秦穆公時有簫史者善吹

簫能致白鵠孔雀穆公女弄玉好之公為作鳳臺

以居之積數十年一旦隨鳳去云雍宮世有簫管

之聲焉今臺傾祠毀不復然矣劉向列仙傳鄧泉有簫史事

東流注于雍自下雖會他津猶得通稱故禹貢有

雍沮會同之文矣雍水又東逕郿古本作郿南世謂

之樹亭川蓋郿樹聲相近誤耳亭宋本作故郿公之

采邑也京相璠曰城宋本作亭在周城南五十里後漢

郡國志曰郿縣有郿亭謂此也雍水又東南流與

杜水合水出杜陽山其水南流謂之杜陽川東南流左會漆水水出杜陽之縣當作縣之漆谿謂之漆渠

故徐廣曰漆水出杜陽之岐山者是也漆水水字疑衍

渠水南流大欒水注之出西北大道川東南流入

漆即故岐水也淮南子曰岐水出石橋山東南流

相如封禪書曰牧龜於岐史記作收龜漢書作放龜於池沼之中至漢

得之於岐山之旁漢書音義曰岐水名也謂斯

水矣二川洋逝俱為一水南與杜水合俗謂之小

黃水孫云小黃水當作小橫水亦或名之米流川迤岐山而又

屈逕周城南城在岐山之陽而近西所謂居岐之

小經注箋 卷十八 四

陽也非直因山致名亦指水取稱矣又歷周原下

北則中水鄉成周聚故曰有周也水此即岐山矣

昔秦盜食穆公馬處也呂氏春秋秦繆公失其馬

之陽公曰食駿馬之肉而不還飲酒者恐傷女也於是編飲而去岐水又東逕姜

氏城南為姜水按世本炎帝姜姓帝王世紀曰炎

帝神農氏姜母安登謝云姜母安登宋本作母曰姜如埤云謝引宋本亦誤據

世紀當作神農氏姜母安登遊華陽感神而生炎帝長於姜水

水合而東逕美陽縣之中亭川水也永發社陽縣

大嶺側世謂之赤泥峴汭波瀝瀾俗名太橫水也

疑即杜水矣其水東南流東逕杜陽故城東西三

百步南北二百步世謂之故縣川又故谷縣有杜

陽山山北有杜陽谷有地穴北入亦不知所極在

大柱山南故縣取名焉亦指是水而攝目矣前漢地理

志右扶風有杜陽縣杜水南入渭注云公劉避狄而來居杜與漆沮之地即王莽之通

杜也故地理志曰縣自杜水東二坑水注之水有

二原克家云當作源一水出西北瀆醜水二合而東歷五

將山又合鄉谷水水出鄉谿東南流入杜謂之鄉

谷川又南茨水注之水出好時縣梁山嶺泉南

逕梁山宮西故地理志曰好時有梁山宮秦始皇

起水東有好時縣故城王莽之好邑也世祖建武

水經注箋

卷十八

二年封建威大將軍耿弇為侯國又南逕美陽縣

之中亭川注雍水謂之中亭水又南逕美陽縣西

永元二年更封鄠雍侯耿秉為侯國其水又南流

注于渭渭水又東逕郿塢南漢獻帝傳曰董卓發

卒築郿塢高與長安城等積穀為三十年儲自云

事成雄據天下不成守此足以畢老其愚如此渭

水之東洛谷之水出其南山洛谷北流逕長城西

魏甘露三年蜀遣姜維出洛谷圍長城即斯地也

又東芒水從南來流注之

芒水出南芒谷北流逕王女房水側山際有石室

疑有脫文

世謂之玉女房。芒水又北逕盤屋縣之竹園中，分爲二水。漢冲帝詔曰：翟義作亂於東，霍鴻負倚，盤屋芒竹，卽此也。其水分爲二流，一水之東北爲枝流，一水北流注於渭也。
舊本吳本俱缺此注，按安謝耳，伯據宋本水經抄補。

八十五字

己未正月初九夜分讀

水經注箋

卷十八

六